



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R.P. Clavdii Aqua-Vivae Societatis Iesv Præpositi
Generalis V. Meditationes In Psalm. 44. et 118**

Acquaviva, Claudio

Coloniæ Ubiorum, 1616

108 Voluntaria oris mei beneplacita fac Domine: & iudicia tua doce me.

[urn:nbn:de:hbz:466:1-50645](https://nbn-resolving.de/urn:nbn:de:hbz:466:1-50645)

490 MEDITATIONES

huius, nisi gratia tua? ne ibi fiat seruitus
in tam periculosa pugna, vbi debet esse
dominatus, sed praeualeat spiritus a te vi-
uificatus. Ideo quippe dixi Viuifica: quia
haec pugna mihi amarissima mors est. Vi-
uificabis autem spiritu tuo, qui est vita ip-
sa, vt vitales actiones faciam. Secundum,
inquam, verbum tuum, quo promisisti da-
turum te spiritum bonum potentibus. Spi-
ritum rectum Domine da mihi: ita fiet, vt
de spiritu tuo viuam.

Luc. II.

108 Voluntaria oris mei beneplacita
fac Domine: & iudicia tua doce
me.

Volunta-
ria oris,
quia ex
corde or-
is.

Eccles. 15.

SAN E os meum, & lingua mea, quam
fecisti, ad laudandum te, resonant ma-
gnalia tua, gratiarum actiones, benedictio-
nes, & iubilationes, nec cessant etiam per
os omnium creaturarum laudare te. Sa-
pientiae enim tue adstabit laus, & in ore
fidi abundabit. Sed, quae ore profero, ex
intimo cordis sensu profiscuntur; & cor-
de magno, & animo volenti offeruntur,
ideo voluntaria oris mei appello. Ea Do-
mine beneplacita fieri cupio, id est, vt in-
tegre placeant in conspectu tuo: vt sit vo-
luntas, approbatio, & complacentia tua in
eis. Sic ea respice quasi quae in oculis tuis
grata sunt. Sed quoniam vox Hebreæ, &
voluntaria significat, & spontanea, & libe-

rali-

raliter, largeque oblata, his omnibus modis peto tibi grata, acceptaque fieri. Itaque voluntaria & ex magno cordis, ac voluntatis affectu oblata, sed per os vix tenuiter adumbrata, precor, ut animi desiderium, quod à te est, & tibi omnino est manifestū, respiciens, beneplacita facias. Exigua enim apud te esse non possunt, quae ex cordis latitudine proferuntur. Spontanea Et quae su-
autem voco, quae supra iussionum tuarum data.
legem offero. Non enim sufficit amori ea tantum agere, quae iussa sunt, sed longe plura vltro, ac spontanee praestat. Est enim is Amorphe-
plenus oculis, & pennis, ut animalia illa, in nus ocu-
quibus sedentem te, tanquam in curru vi- lis, & pen-
dit Ezechiel Ocalis, quia in omnes se par- nis.
tes versat, & dispicit quid tibi gratum esse Ezech. I.
possit: pennis, quia alatis desiderijs ad opus prouolat. Sed nisi manus tua sub pennis sit,
quae cieat, moueat, & iuuet, in vanum la-
boratur. Liberaliter vero, largeque profe-
runtur, quia diligenti nullus est terminus
faciendi pro te: quia & ipse pluuiam volu-
tariam, siue spontaneam, seu liberalitate, Psal. 67.
segregasti hereditati tuae. Quam angusta er-
go anima, quae ea, quae pro te amor facien-
da dictat, cancellis, terminisque vilis con-
cludere audet? Cum contra spiritus tuus,
nullis finibus contentus profluat largiter,
exuberet abundanter, faciens supra quam
petimus, aut intelligimus?

Et quoniam iudicia, siue mandata tua,

X 6 quo

Proficien- quo diligentius seruantur , eo magis illu-
dum sem- minant, possumusque perpetuo de clarita-
per.

2. Cor. 3. uis & mandata dilexerim , & dulcissima
expertus sim, eaque magno conatu adim-
plere conatus sim , oro tamen , quæsoque
vt amplius , & lucidius iudicia tua doceas
me:vt non vltione, sed vñctione magistra
discam , quid desit mihi :discam non su-
blime sapere , sed cupiam semper ad ante-
riora te doctore, & ductore progredi , & ex-
tendi.

109 Anima mea in manibus meis semi-
pèr : & legem tuam non sum
oblitus.

Mira con-
stantia.

ANIMA M habere in manibus , est per-
petuo in periculo vitæ versari. Intel-
lige ergo fortitudinem , firmitatemque
Prophetæ: & ad imitandum tantum decus
assurge. Cum homines ita soliti sunt pro
vita , vt non possint quicquam aliud cogi-
tare, quandiu in periculo versantur, quam
quomodo effugiant , quomodo se tuean-
tur: quibus vijs, præsidijsque iniemicorum
fraudes, & machinamenta declinent, adeò,
vt non solum ijs distenti , de Deo , ac lege
eius meditari non yaleant , sed etiam ip-
sam legem violare audeant : & quidlibet
agere animum inducent , modo euadant:
Ego , inquit , contra in medijs ipsis peri-
culis;